

Powšitkowne WOZJEWJENJA

njedźelu, 16. oktobra 2011

Serbskorěčne eksercicije

„Budź mi skała, na kotruž so wučěkam“ (Ps 71,3) rěka hesło serbskorěčnych eksercicijow wot štwórtka, 3. nowembra do njedźele, 6. nowembra, we Wysokich Dubach w Drježdźanach. Městna su hišće swobodne. Zajimcy njech so pola Terezije Kubašec w Radworju, telefonowe čisło (03 59 35) 2 04 25, abo Marije Clausenoweje w Pančicach-Kukowje, telefonowe čisło (03 57 96) 1 84 34 abo direktnje w Drježdźanach, telefonowe čisło (03 51) 2 61 64 10, přizjewja. Wuraznje prosy so wo jara bórzomne přizjewjenja, zo by so wotpowědnje planować hodźało.

Swobodnej městnje za młodostnych

W Domje swjateje Ludmile poskićatej so městnje za swobodne socialne lěto a swobodnu službu. Wobě městnje so ze zakonskej pawšalu zarunatej. Zajimcy njech so na wjednistwo domu pod telefonowym čislom (03 57 96) 9 47 30 wobroća.

Swójby zhromadnje do noweho lěta

Na zhromadne dny do Winfriedoweho domu w Schmiedebergu su swójby wot pjatka, 30. decembra 2011, do njedźele, 1. januara 2012, přeprašene. Započatk je pjatk z wječerju. Zakónčimy dny Nowe lěto z wobjedom. W tutych dnjach chcemy zhromadnje rozmyslować, so modlić, w dobrej towaršliwosci přebywać a tak do noweho lěta přeńć. Płaćizny na wosobu wučinja na dorosceneho 48 eurow, na džěčo w starobje 12 do 21 lět 42 eurow, w starobje 6 do 11 lět 30 eurow, w starobje 2 do 5 lět 22 eurow. Za džěći pod dwěmaj lětomaj je wobdźělenje darmotne. Za trěbny material wuprošamy sej na wosobu tři eura. Zajimcy njech so pola Dekanatneho dušepastyrstwa we Worekclach přizjewja, telefonowe čisło (03 57 96) 9 55 95.

Daniela Čemjerowa

Kermuška w Chróšćicach

Wšitcy serbscy młodostni su pjatk, 21. oktobra, wutrobnje na kermušku do Chróšćanskeje „Jednoty“ přeprašeni. Wječor zahaji so w 19 hodź. z Božej mšu w cyrkwi. Program wuhotuja młodostni Chróšćanskeje wosady. Wo prawu hudźbu postara so na kermušce skupina Con-takt.

Za putniku jězbu do Francoskeje hišće městna swobodne

Za putniku jězbu do Francoskeje, kotraž budže wot štwórtka, 20. oktobra, do štwórtka, 27. oktobra, su hišće někotre městna swobodne. Wopytać chcemy mjez druhim Straßburg, Ars, a Taizé. Prošu wšitkich zajimowanych so w přichodnychd najch telefonisce přizjewić pod čislom (03 59 35) 2 04 25.

T. Kubašec

Tydźeń za džědow a wowki z małymi wnučkami

Pod hesłom „Hdyž pisane łopjena rejuja“ su džědojo a wowki ze swojimi małymi wnučkami wot pónđzele do pjatka, 21. do 25. nowembra, do Domu biskopa Bena w Smochćicach přeprašeni. Na jednore wašnje ma so w tym tydźenju wo starobje, choroscach a smjerći rěčeć. A wězo je tež wšelaka zabawa předwidźana. Dalše informacije su pod www.benno-haus.de wozjewjene. Zajimcy měli so w Smochćicach přizjewić, telefonowe čisło (03 59 35) 2 20.